

*Analisis Wacana*

# **GAYA BAHASA KOMUNIKASI**

Rasulullah (SAW) Dengan

# **SAHABIYYAT**

*Ahmed Thalaf Hassan*

© PENERBIT UMK, 2015

Hak cipta adalah terpelihara.

Setiap bahagian daripada terbitan ini tidak boleh diterbitkan semula, disimpan untuk pengeluaran atau dipindahkan kepada bentuk lain, sama ada dengan cara elektronik, mekanikal, gambar, rakaman dan sebagainya tanpa mendapat izin daripada **Penerbit Universiti Malaysia Kelantan**.

**Analisis Wacana Gaya Bahasa Komunikasi Rasulullah (SAW)  
dengan Sahabiyyat  
Ahmed Thalal Hassan**  
Nombor ISBN: 978-967-0955-02-5

Diterbitkan oleh:

**PENERBIT UMK  
UNIVERSITI MALAYSIA KELANTAN**  
Pejabat Perpustakaan dan Pengurusan Ilmu  
Karung Berkunci 36, Pengkalan Chepa  
16100 Kota Bharu, Kelantan

# *Kandungan*

1. Pengenalan.....	1
2. Pendahuluan.....	9
3. Hadis Rasulullah SAW dengan Sahabiyyat.....	9
4. Hadis 1.....	10
Sayyidina Ibn al-Abbas r.a.....	10
Ummu Sinan al-Ansariyyah r.a.....	11
Analisis Hadis.....	12
5. Hadis 2.....	16
Hindun binti Utbah r.a.....	17
Analisis Hadis.....	17
6. Hadis 3.....	24
Fatimah binti Abi Hubaysh r.a.....	24
Analisis Hadis.....	25
7. Hadis 4.....	31
Ummu Sulaym r.a.....	31
Analisis Hadis.....	32



8.	Hadis 5 .....	39
	Analisis Hadis .....	40
9.	Hadis 6 .....	45
	Isteri Thabit bin Qays .....	45
	Analisis Hadis .....	46
10.	Hadis 7 .....	50
	Analisis Hadis .....	51
11.	Hadis 8 .....	56
	Analisis Hadis .....	57
12.	Bibliografi .....	65

# *Pengenalan*

Perjalanan kehidupan sehari-hari seseorang insan tidak terlepas daripada terlangsungnya satu bentuk komunikasi sesama mereka. Komunikasi yang terjalin merupakan penghubung dan penggerak ke arah proses perhubungan yang baik di antara mereka. Komunikasi bukan lagi sebahagian daripada hidup kita bahkan ia secara perlahan-lahan menyerap ke dalam kehidupan dan menjadi elemen kewujudan kehidupan itu sendiri. Proses ini akan lebih sempurna jika dibantu oleh penggunaan gaya bahasa yang sesuai dan sepatutnya. Komunikasi bermula daripada konteks individu, keluarga, kemudian masyarakat setempat dan seterusnya masyarakat luar. Kesemua situasi memerlukan penyesuaian yang sewajarnya dari segi komunikasi daripada setiap individu. Pada hakikatnya, dalam agama Islam kesemua ini telah dianjur dan diserahkan oleh junjungan besar Nabi Muhammad SAW menerusi hadis-hadis Baginda.

Dalam Islam, salah satu elemen penting dalam kewujudan dan kelangsungan ummah ialah wanita yang berperanan sebagai pelengkap kepada lelaki. Dalam buku *The Search for Personal Freedom* wanita ditakrifkan sebagai “ibu yang menghabiskan masanya menjaga anak, mengemas rumah, menyediakan makanan, membersih dan menggosok pakaian. Asasnya mereka adalah seorang isteri yang berkhidmat untuk suaminya”. Dalam bahasa Arab, beberapa perkataan digunakan bagi menunjukkan makna wanita; antaranya *al-mar’ah*, *al-nisa’* dan *al-untha*. Ia membawa maksud perempuan, juga bermakna sedap dan enak. Berkemungkinan daripada pengertian inilah perkataan *al-mar’ah* bersesuaian dengan realiti sebenar seseorang wanita yang diperlakukan oleh masyarakat Jahiliyyah sebagai objek untuk tujuan berseronok-seronok. Perkataan *al-nisa’* pula merupakan kata jamak



kepada perkataan *al-mar'ah* bermaksud perempuan dewasa, manakala perkataan *al-'untha* membawa pengertian lawan kepada perkataan lelaki. Asal perkataan ini ialah dari kata kerja *anutha* yang bererti lembut. Makna yang diberikan kepada perkataan wanita sebagai lawan kepada lelaki yang terkenal dengan sifat kasar dan keras, sememangnya bersesuaian berdasarkan kepada kelembutan sifat dan kejadian wanita itu sendiri. Dalam bahasa Inggeris, wanita disebut sebagai "woman", "an adult human female", atau "an adult female person".

Wanita, sebelum kedatangan Islam merupakan golongan yang statusnya adalah sama seperti barang yang boleh dijual beli. Mereka dimanfaatkan hanya sebagai alat pemuas nafsu lelaki. Tiada nilai dan kehormatan pada kewujudannya. Hak mereka dinafikan dan penindasan serta penganiayaan terhadap mereka berterusan. Maulana Wahiduddin Khan di dalam bukunya *Woman Between Islam and Western Society* memetik *Encyclopaedia Britannica* yang menyatakan "*In Athens, woman's status had degenerated to that of slaves. Wives were secluded in their homes, had no education and few rights, and were considered by their husbands no better than chattels...*". Kedatangan Islam telah mengubah fenomena ini. Islam memperakui kedudukan wanita dengan meletakkannya pada tempat yang sepatutnya, mengubah kedudukan yang telah dilalui oleh mereka sebelumnya. Kedatangan Islam pada akhir abad ke-6 Masehi membawa bersamanya rahmat, kesejahteraan serta keamanan seterusnya mengubah fenomena alam sejagat. Islam dengan ajarannya telah membela nasib, mengubah pandangan dan darjah wanita, dan mengikis fahaman primitif yang menganggap wanita hanyalah objek dagangan dan instrumen pemuas nafsu lelaki. Kaum wanita tidak lagi berada dan diletakkan di tempat kedua dalam hirarki masyarakat bahkan mereka bergerak seiring dengan kaum lelaki. Hak mereka diperku oleh agama suci ini menerusi firman Allah SWT dalam surah al-Nisa' 4:1

### Maksudnya:

Wahai sekalian manusia, bertakwalah kamu kepada Tuhan kamu yang telah menjadikan kamu (bermula) dari diri yang satu (Adam), dan menjadikan daripada (Adam) itu pasangannya (isterinya Hawa); dan juga yang membiakkan dari kedua-duanya - zuriat keturunan - lelaki dan perempuan yang ramai. Dan bertakwalah kepada Allah yang kamu selalu meminta dengan menyebut nyebut nama-Nya, serta peliharalah hubungan (silaturrahim) kaum kerabat, kerana sesungguhnya Allah sentiasa memerhati (mengawas) kamu.

Firman Allah ini menunjukkan wanita adalah sama dengan lelaki dari segi kewujudannya dan hak kemanusiaannya. Perkataan *al-nas* pada ayat ini merupakan *khitab* (ujaran) yang merangkumi kedua-dua gender, tanpa ada pengkhususan. Tuntutan Allah SWT supaya manusia bertakwa kepada-Nya berkait rapat dengan unsur roh yang ada di dalam diri manusia sama ada lelaki atau wanita. Unsur ini ditujukan khas kepada kemanusiaan manusia itu sendiri tanpa dikhkususkan hanya kepada salah satu gender. Hanya terdapat beberapa persoalan berkaitan agama yang membezakan antara lelaki dan perempuan. Hal ini merupakan ketentuan yang telah diperintah dan ditentukan Allah SWT khusus untuk golongan lelaki.

Al-Quran juga al-Hadis banyak menghidang dan memperkatakan tentang tokoh-tokoh wanita yang disegani. Malah al-Quran telah menamakan satu surah yang menunjukkan betapa kedudukan mereka dipandang tinggi dalam Islam. Surah ini dinamakan Surah al-Nisa'. Ketokohan mereka terserlah sama ada pada ketegasan, keberanian, keilmuan yang tinggi mahupun kelembutan kata-kata dan ketinggian budi pekerti. Wanita-wanita ini adalah wanita contoh, wanita agung dan teristimewa yang pernah wujud di muka bumi ini. Buku ini sekadar menyebut beberapa nama besar mereka sebagai contoh antaranya;